

## Publicaziuns officialas dils 6 da mars 2026

### Vischnaunca Trun

#### Votaziuns federalas

**L'urna principala** en canzlia communal ei aviarta sco suonda:

Gievgia,        ils 05-03-2026, 09.30-11.30, 15.30-17.30  
Venderdis,    ils 06-03-2026, 09.30-11.30, 15.30-17.00  
Dumengia,    ils 08-03-2026, 09.00-10.30

La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton il pli tard entochen **venderdis, ils 6 da mars 2026 allas 17.00** tier l'administraziun communal (tel. 081 920 20 40).

#### Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/la observar il suandont:

1. Emplenir ora ils cedels da votar a maun e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar suttascret en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (gratuitamein) ni directamein fierer en la scaffa da brevs dalla canzlia communal.

Ils cedels da votar ston esser il pli tard la dumengia, ils 8 da mars 2026 allas 10.30 tier l'administraziun communal.

**Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.**

*Suprastonza communal*

#### Damondas da baghegiar

##### Datum da publicaziun: 06-03-2026

Petent:        Hubert Carigiet  
                  Via Crest 25  
                  7031 Laax  
Object:        Sanaziun dil clavau 379A sin parcella 5002 a Munt Dadens.  
Zona:         Zona d'agricultura (A)

**Datum da publicaziun: 06-03-2026**

Petents: Thomas e Carmen Bearth-Albin  
Via Surrein 14  
7172 Rabius  
Object: Sanaziun dalla casa sin parcella 2107/2382 a Gravas Trun.  
Zona: Zona dil vitg

**Datum da publicaziun: 06-03-2026**

Petent: Magnus Hosang  
Cécile-Lauber-Gasse 6  
6005 Luzern  
Object: Sanaziun energetica dil tetg ed engrondiment dil balcon dil plaunsut  
il tetg dalla casa sin parcella 1476 a Trun.  
Zona: Zona dil vitg

**Protestas:**

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

*Administraziun communal Trun*

**Lenna da brisch**

Il menaschi tecnic dalla vischnaunca da Trun porscha la pusseivladad da retrer lenna da brisch. Empustaziuns san vegnir inoltradas al selvicultur da revier Carlo Monn.

Uffeci forestal Trun, Via Dulezi 1, 7166 Trun [carlo.mon@trun.ch](mailto:carlo.mon@trun.ch)

Num e prenum:

Adressa:

NP e liug:

Telefon:

pégn 55.-frs/m<sup>3</sup> \_\_\_\_ m<sup>3</sup>

lenna da feglia 95.-frs/m<sup>3</sup> \_\_\_\_ m<sup>3</sup>

Sin giavisch porscha il menaschi tecnic ulteriurs survetschs. Ils cuosts che seresultan cheutras vegnan quintai giu supplementarmein.

- furnziun a casa (access cun camiun sto esser garantius)
- resgiar burels

Las empustaziuns san vegnir inoltradas a scret ni per mail entochen ils 2 d'avrel 2026. La lenna vegn surdada en fuorma liunga sin nos plaz da lenna. Quei succeda el decuors digl avrel.

*Uffeci forestal Trun*

## **Registraziun datas da structura per l'agricultura**

Il portal per la registraziun da datas da structura per l'agricultura ei aviarts naven dils **5 da mars entochen ils 19 da mars 2026**.

En cass che zatgi basegna agid stattan Lucas Tomaschett (079 232 18 71) ni Lucas Arpagaus (079 609 51 43) bugen a disposiziun.

*Suprastonza communal Trun*

## **Avertura dalla nova deponia da rumians "Cuort da rimnada Ogn"**

Preziadas convischinas e prezias convischins

La nova Cuort da rimnada Ogn vegn aviarta **sonda, ils 28 da mars 2026**.

Suandont rumien sa vegnir dismiss da tut temps:

Sacs verds, sacs blaus, PET, veider, textilias e calzers, cuppas d'alu, cuppas da stuors

Suandont rumien sa vegnir dismiss mo duront las uras d'avertura dalla Cuort da rimnada Ogn:

Rufid bloccont, caglias e pastget, ieli da cuschina, pupi e cartun, metal, electronica etc.

Uras d'avertura naven dils 28 da mars 2026:

Mardis, mesjamna, venderdis                      mintgamai las 16.00 – 18.00

Sonda    10.00 – 12.00, 14.00 – 16.00

Il di dall'avertura stattan luvriers dil menaschi tecnic a disposiziun per mussar ils indrezs.

Ei suonda proximamein in feagl sgulont cun informaziuns pli detagliadas en tut las casadas da nossa vischnaunca.

*Suprastonza communal Trun*

## **Biblioteca Trun**

Venderdis, ils 13 da mars allas 19.30 uras envida la biblioteca ad ina prelecziun. L'autura Ludivina Candinas-Collenberg presenta la secunda ediziunda «Gloria e tschugalatta». Esther Simeon-Lombriser accumpogna ella e prelegia ord il cudisch niev. Nus selegrein sin vossa preschientscha.

*Las bibliotecaras Esther, Letizia e Marina*

## **Turnier da bigliard dil Club da ballapei Trun/Rabius**

Sco mintg'onn organischescha il Club da ballapei Trun/Rabius il tradiziunal турниr da bigliard.

Uonn ha quei турниr liug naven dils **13 da mars entochen ils 11 d'avrel 2026** ella Pizzeria da Stefano a Trun.

*In cordial beinvegni fa il CB Trun/Rabius cun ses organisaturs e scribents*

## **Uniun da dunnas Trun/Zignau**

### **Suentermiezdi creativ**

Temps d'esser creativs en cumpignia! Nus s'entupein mesjamna, ils **11 da mars 2026** allas 14.00 uras en scolaTrun (stanza textil) cun nos projects, giugs ni per star ensemen da cumpignia. Tgi che sa buc organisar senza in taxi, sa s'annunziar tochen dus dis avon tier Manuela Schwarz (077 406 21 08). L'Uniun da dunnas envida cordialmein e selegra sche Ti eis era dalla partida.